

SARS E ANANELA KAHLOLO E MABAPI LE HO BOLOKWA HA SEPHIRI

Tshwane, 20 Mphalane 2023 – Khomishenara ya Ditshebeletso tsa Lekgetho tsa Afrika Borwa (SARS) o ananetse kahlolo e dihilweng ke Karolo ya Lehae ya KwaZulu-Natal, tabeng e mabapi le lefa le tjhonneng la Jubilee Plant Hire SA CC (“Jubilee”).

Lekgotla le entse qeto ya ho hana ho senola sephiri taelong e filweng ka Pudungwana 2021 mme ka hona ya ananela kopo ya SARS e neng e tjhaela monwana patlisiso le ho thibela setho se le seng mmoho le paki patlisisong ena ya ho tjhona ho fumana lesedi le ho yona. Lekgotla le boetse la laela hore ditjeo di jarwe ke beng ba Jubilee.

Lekgotla, ho itshetlehlilwe hodima ngangisano ya SARS, le behetse ka thoko boiteko ba tshebediso e mpe ya matla ya motjha wa pholoso ya kgwebo ke Jubilee ena e likhwideisheneng. Jubilee, mmoho le dikoporasi tse ding tse kwetsweng tse amehang, di kolota SARS tjhelete e fetang R400-million. Ka lebaka la ho behelwa ka thoko ha patlisiso e neng e le tlasa bodisa ba Hlooho ya Lekgotla le Phahameng le ka lebaka la hore lefa la Jubilee le se le thuntheditse, SARS e ile ya qobelleha ho kenya kopo ya ho ba le patlisiso ho latela dintlha tsa Molao wa Dikhampani mane Lekgotleng le Phahameng la KwaZulu-Natal.

Patlisiso ena e ile ya qetella e bile teng mme ka mora hore ba hlahelle ho yona, eo e leng setho se le seng sa Jubilee, Mof. Neermala Moodley, mmoho le paki e itseng, e leng, Mong. Panganathan Marimuthu, Mong. Lovendren Marimuthu, Mofts. Shantal Redhi le Mofts. Ramona Budden, ba kopile Khomishenara e tsamaisang patlisiso ena ho senola dipampiri tse kopong ya SARS bakeng sa patlisiso ena e ntjha. Khomishenara o ile a hana kopo eo.

Ka mora moo, bakopi ba ile ba kenya kopo ya tshenolo ya dipampiri tsa SARS mmoho le thibelo ya nakwana e dumellang bakopi ho se be karolo ya patlisiso ena e boletsweng ka hodimo. SARS e bile kgahlano le dikopo ka bobedi. Kahlolong e dihilweng ke Karolo ya Lehae ya KwaZulu-Natal, lekgotla le fumane hore bakopi ba hlolehile ho fana ka mabaka a matla hore lekgotla le tlose taba ena e mabapi le sephiri.

Bakopi bana dipampiring tsa bona ha ba hana ka ho qolleha hore ditaello tsa nako e fetileng di ile tsa tsebahatswa lekgotleng, mme seo sa supa hore ha ho ngangisano tabeng ena. Hodima moo, ntlhakemo ya lekgotla ke hore bakopi ba hlolehile ho tobana le ditaba tse hlalisitsweng ke SARS dipampiring tsa yona. Kahoo, ka ha bakopi ba hlolehile ho hana tse bolelwang ke SARS ditaelong tsa patlisiso, kopo e ile ya qhelelwa ka thoko ka ditjeo - ho latela molao wa motheo o bitswang *Plascon-Evans*.

Khomishenara ya SARS Kieswetter o kgathaditswe ke ba bang ba balefalekgetho ba lehang ho qoba ho ikobela boitlamo ba bona ba lekgetho metjheng ya likhwideishene le metjheng ya makgotla, mme sena se nonyetsa ba kolotuwang ke lefa lena le tjhonneng. Hangata, mokotla wa naha e ba ona lehlatsipa le ka sehloohong. SARS e tla tswela pele ho tiisa letsoho le ho se qeaqee ha balefalekgetho ba sa ikobeleng tefo ya lekgetho ba qoba boitlamo ba bona ba lekgetho bo qetellang bo nonyeditse mokotla wa naha. SARS e boela e ipiletsa ho ba sebetsanang le tsena tsa ho tjhona ho phetha mesebetsi ya bona ntle le tshabo ya letho le ho lomahanya meno hobane mekutu ena e bohlokwa ho thusa ba kolotuwang ho boela ba fumana seo ba se kolotuwang le hore ba tswelle pele ka dietsahalo tsa bona tsa kgwebo. Kamehla SARS e tla sebetsa ka tsela e tlang ho tshehetsa kgolo ya ikonomi le e tlang ho theha menyetla ya mosebetsi.

Ho fumana lesedi le fetang lena, ikopanye le SarsMedia@sars.gov.za